

FORUM ONG TIMOR LESTE

THE TIMOR LESTE NGO FORUM



Caicoli Street, Dili -Timor Leste / Phone 77422821 / 77265169 Arsen_ctl@yahoo.com.au / nizio_pascal@yahoo.com

KOMUNIKADU IMPRENSA

Ami ezije Indústria Estrativa tenke Transparente

Timor-Leste hanesan nasaun foun, ki'ik ho esperiênsia ne'ebé nato'on no mós nudár nasaun ne'ebé nia ekonomia domina husi esportasaun petrolíferu dala barak sai tarjetu ba manipulasaun husi kompañia sira ne'ebé eksploita hela rekursu sira hodi lakon osan sira ne'ebé loloos merese duni atu hetan.

Durante ne'e iha kompañia multinasionál lubuk mak agora halo operasaun iha area konjuntu ba dezvoltamentu petroleum nian. ConocoPhillips, Woodside, Eni, Santos, Inpex no nia parseiru sira seluk prezensa iha Timor-Leste.

Iha tinan 2010 liu, Timor-Leste sai ona nasaun kumpridor ba EITI, prestasaun ida ne'ebé halo orgullu boot ba indústria petrolíferu sira, liu-liu kampaña mina-rai sira ne'ebé hakarak ho voluntáriu hodi suporta transparénsia atu benefisia povu "na'in" ba riku-soin ne'e.

Maibé infelizmente, realidade hatudu katak, ConocoPhillips, Woodside no nia parseiru sira la hatuur sira nia vontade atu mantén transparénsia. Sira aproveita frakeza Timor-Leste nia instituisaun reguladór nian hodi kontinua nauk osan sira ne'ebé loloos sai direitu ba povu Maubere ida ne'e.

At liu tan, mak bainhira Governu Timor-Leste deskobre katak kompañia sira ne'e la halo tuir sira nia obrigasaun legal tuir kontratu nian, kompañia sira ne'e kontinua hodi buka dalan atu lori rekursu legal atu lakohi selu fali osan ne'ebé sira nauk ona husi povu Maubere ida ne'e.

Tanba ne Forum ONG Timor-Leste (FONGTIL), servisu hamutuk ho rede CGT (Core Group Transparency) ne'ebé servisu kleur ona iha area transparénsia no akuntabilidade ba Orsamentu no rendimentu petrolíferu hakarak hato'o pozisaun liu hanesan tuir mai:

1. ConocoPhillips no Woodside tenke kumpre duni obrigasaun legal hodi selu taxa tuir Kontratu Fahe Produsaun no respeita tratadu Tasi Timor.
2. Kompañia Mina-rai sira tenke promove transparénsia liu husi halo relatóriu ne'ebé pagamentu taxa ho detallu (Disaggregate), no sira tenke konkorda template relatóriu EITI ne'ebé auditor Moore Stephens prepara.
3. Kompañia sira tenke suporta publikasaun relatóriu EITI 2010 no 2011 iha tinan ida ne'e.
4. Wainhira relatóriu EITI nian la publika iha tinan ida mak kompañia mak tenke asumi responsabilidade.
5. Governu tenke afirma nia pozisaun loloos kona ba relatóriu EITI nian.
6. Governu tenke halo lei ida hodi regula implementasaun EITI ho karáker mandatory la'ós voluntáriu.
7. Governu tenke haforsa rekursu atu monitoriza reseita husi Kustu operasaun no pagamentu taxa no royalty ne'ebé kompañia sira selu hodi verifika katak reseita no pagamentu sira ne'e lejítimu duni.
8. Ikus, Sociedade sivil pronto atu hamriik hamutuk Estadu hodi luta hasoru manipulasaun kompañia sira ne'ebé la benefisia povu Maubere tomak.

Dili, 09 de Outubru de 2012

Ami mak saran lia
Jose Amaral
Diretór Interinu FONGTIL

Helio Dias da Silva
Responsavel Sekretáriadu CGT